



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Quando cœlum intuimur. Exerc. 48

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

ne liberi, præcedamus illum in veritate, & tanquam filij lucis.

Oblatio.

Offeremus Deo perpetuam illam lucem quæ beati in cœlesti Hierosolyma perfruuntur, vbi lucerna ipsam illuminas est Agnus Dei: quæ hoc sole, quo nos vtimur longè lucidior atque splendidior est: pro quo ipsum laudabimus & glorificabimus.

Quando cœlum intuemur.

Exercitium. 48.

Psal. 102. Dominus in cœlo parauit sedem suam: & regnum ipsius omnibus dominabitur.

Psal. 112. Quis sicut Dominus Deus noster, qui in altis habitat, & humiliat respicit in cœlo, & in terra.

Matt. 5. Gaudete & exultate, quoniam merces vestra copiosa est in cœlis.

Phil. 3. Nostra autē cōuersatio in cœlis est.

Consideratio.

Considerabimus cœlū esse scalam ad patrē & patriā nostram, cuius causa cōditi sumus. considerabimus præterea, nos in hoc mūdo peregrinos & exulis esse.

Gra-

Gratiarum actio.

GRatias referemus Deo, quod nobis preparauerit palatium tam magnificum & speciosum. Nam si illud à longinquo & exterius tatummodo inspectum, stupendæ pulchritudinis est, quantæ quæso erit intrinsecus, quam pulchritudinem non nisi oculi Beatorum intuebantur.

Confusio.

PVdore suffundemur: considerando, quod cor nostrum terrenis rebus immersum sit, quodque conuersatio, cogitationes & desideria nostra, non in cœlis, sed in terris versentur.

Petitio.

ROgabimus Deum, vt nobis non largiatur hæreditatem terrenum inter filios huius sæculi, sed vt ita vitam nostram moderetur, vt bonis temporalibus rectè ad ipsius gloriam vtendo, æterna & cœlestia bona consequi mereamur.

Obla-

Oblatio.

Offeremus Deo, animas nostras,
vt de illis spirituale cœlum con-
stituat, quod ipse continuo inhabi-
tare dignetur.

*Quando ignem conspiciamus.**Exercitium 49.*

Hebr. 12. Deus noster ignis consumens est.

Psal. 103. Qui facis Angeles tuos spiri-
tus, & ministris tuos ignem vrentem.

Luc. 12. Ignem veni mittere in terram, &
quid volo nisi vt accendatur?

Isai. 33. Quis poterit habitare de vobis cum
igne deuorante, aut quis habitabit ex vo-
bis cum ardoribus sempiternis?

Ierem. 32. Nunquid non verba mea sunt
quasi ignis dicit Dominus.

Consideratio.

Considerabimus quanto terribi-
lior sit ignis inferni; in cuius cõ-
paratione, ignis hic est veluti ignis
p̄ctus: Considerabimus præterea
Deum esse ignem consumentem: &
Christum venisse ignem mittere in
terram, & aliud non velle, quam vt